



Ilinniartitaanermut, Kultureqarnermut,
Ilisimatusarnermut Ilageeqarnermullu
Naalakkersuisoq
/Maani

Ulloq: 06. juli 2015

J.nr.: 01.39.01.05-00056

Eqqumiitsuliorneq pillugu inatsit pillugu Naalakkersuisunut allakkatigut apeqqutit

Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoq eqqumiitsuliornermik ingerlatsineq pillugu inatsisissatut siunnersuummik nassiusaqsarimasoq Ilinniartitaanermut, Kultureqarnermut Ilisimatusarnermut Ilageeqarnermullu ataatsimiititaliamit maluginiarneqarpoq. (Eqqumiitsuliorneq pillugu inatsit).

Eqqumiitsuliorneq pillugu inatsisissatut siunnersuutip tusarniutigineqarnera naaqqammerpoq. Siunnersuutip inatsisartut ataatsimiinnissaanut aggersumut nassiuqqarneqannginnerani soorunami inatsisissatut siunnersuut allanngortinneqarsinnaasoq nalimmassarneqarsinnaasorlu ataatsimiititaliamit ilisimaneqarpoq. Ataatsimiititaliali naatsorsuutigaa, siunnersuummi qitiusoq attatiinnarneqassasoq.

UPA2015-mi Inatsisartut isumaqatigiittut immikkoortoq 32-mi ataatsimiititaliap allannguutissatut siunnersuutaa ima oqaasertaqartoq akuersissutigaa:

"Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaata nr. 10-p, 21. maj 2002-meersup nutarterneqarneranut atatillugu kultureqarneq pillugu inatsimmik siunnersuuteqarnissaannik peqquneqarnissaannik siunnersuut, tassunga ilanngullugit kultureqarnermut inatsimmut sunngiffimmi sammisassaqaqtitsineq tamatumunnga tunngassuteqartoq ilanngunneqassasoq kiisali immikkut timersornermut inatsimmik sunngiffimmi sammisassaqaqtitsineq tamatumunnga tunngassuteqartoq ilanngunneqarluni."

Imm. 32-mi inatsisitigut tunngavigineqartoq kiisalu eqqumiitsuliorneq pillugu inatsisissatut siunnersuut Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaat nr. 10, 21. maj 2002-meersumiippat. Inatsisartut peqqussutaanni maannakkut atuuttuni aalajangersakkat suut allanngussanersut suullu atorunnaarsinneqassanersut takuneqarsinnaanngornissaat kiisalu aalajangersakkat siunissami atorneqartussat inatsisini ataatsimoortuni sorlarni takuneqarsinnaassanersut ataatsimiititaliamit pingaartutut isigineqarpoq. Taamaattumillu ataatsimiititaliamit inatsisit Naalakkersuisunit immikkoortiterneqarnerani ineriartorneq soqutigalugu malinnaaffigineqassaaq. Qulaani taaneqartutut inatsisartut aalajangiussaannut taamatut inatsisinik immikkoortiterineq naapertuutissasoq

ataatsimiititaliamit naatsorsuutigineqarpoq, tamannami ataatsimiititaliamit naleqquttumik tunngavissaqartutut isigineqarmat.

Inatsisartut ataatsimiititaliap allannguutissatut siunnersuutaanut akuersissutiginninnerat eqqarsaatigalugu ataatsimiititaliamit paaserusunneqarpoq ataatsimut isigalugu inuttaasunut, eqqumiitsuliortunut, allanullu atuisuusinnaasunut eqqumiitsuliornermut inatsisip akuerineqarsimasup inatsisitigut kingunissai. Taakkua saniatigut eqqumiitsuliornermut inatsisissatut siunnersuutip aammalu politikikkut Naalakkersuisunut kultureqarnissamut timersornermullu inatsiseqarnissaanik kissaateqarnerup naapertuuttuuneranik Naalakkersuisut qanoq isumaqarnerat ataatsimiititaliamit paaserusunneqarpoq.

Ataatsimiititaliap UPA2015/32-mut isumaliutissiissutaani Naalakkersuisut eqqumiitsuliornerup kulturillu avissaartinneqarnissaanut ilimasaarutaannut isumartik saqqummiuppaat:

”Soorlu Naalakkersuisut ilisimatitsissutigigaat, Naalakkersuisut tungaaniit inatsisartut peqqussutaata eqqumiitsuliornermut kiisalu kultureqarnermut sunngiffimmilu sammisassaqaqtitsinermut inatsisit avinneqarnissaat eqqarsaatigineqartoq.

Kalaallit Nunaanni eqqumiitsuliornermut inatsit ullutsinnut naleqquttoq atorsinnaasorlu eqqumiitsuliornerup silarsuaani eqqummaarinnissamut kajumissaataassagaluarpoq. taamaattorli ataatsimiititaliamit kulturip eqqumiitsuliornerullu avissaartinneqarsinnaanerat qularineqarpoq. Ataatsimiititaliamit apeqquserneqarpoq kulturip sukut uninnissaa eqqumiitsuliornerullu sukut aallartinnissaa Naalakkersuisunit qanoq takorloorneqarnersoq. Eqqumiitsuliorneq aamma kultureqarneq inatsisitigut avissaartissagaluaaraanni sulinermi atorsinnaassanngillat kulturimummi killigitinneqartartut tigussaasuunngillat, kultureqarnermullu allanillu tamatumunnga assingusumik sulialinnik nassuiarneqartariaqarlutik, inatsisitigut pinnatik.

Inatsisitigut kultureqarnerup timersornerullu taakkununnga immikkoortunut marlunnut iluaqutaasumik avissaartinneqarnissaat ataatsimiititaliamit paasilluarneqarpoq. Taamaalilluni avitsineq taakkununnga immikkoortunut marlunnut arlaannaannulluunniit ajoqutaanngikkaluartumik annertunerusumik iluaqutaasussaavoq.”

Maannakkut eqqumiitsuliornermut inatsisissatut siunnersuummi ‘kulturip sukut uninnissaa eqqumiitsuliornerullu sukut aallartinnissaa’ takuneqarsinnaanngitsutut ataatsimiititaliamit isumaqarfigineqarpoq. Tamatumunnga tunngaviulluinnarpoq eqqumiitsuliorneq pillugu

inatsit kisimiimmat, siunissamilu kultureqarnermut timersornermullu inatsisissanut assersuunneqarsinnaanani.

Taamaattumik ataatsimiititaliamit apeqqutit allallu ataani allassimasutut ersernerluttut pillugit akissuteqarfigineqarnissaat kissaatigineqarpoq:

1. *Immikkoortoq 32-ip isumaqatigiinniutigineqarnerata nalaani Naalakkersuisut oqaaseqarnerat tunngavigalugu ilisimatitsissutigineqarpoq UPA16 sioqqullugu eqqumiitsuliorneq pillugu inatsisissatut siunnersuummut missingiummik suliaqartoqarsimasoq. Eqqumiitsuliornermut inatsit taanna Inatsisartut Peqqussutaata nr. 10 2002-meersup nutarterneqarneranut atatillugu suliaq siulliussussaavoq. Inatsisartut Naalakkersuisunik peqqusinerat tunngavigalugu (takuuk qulaani allannguutissatut siunnersuut issuarneqartoq) Maannamut sulinerminni Naalakkersusut qanoq annertutigisumik nutarterisimappat?*
2. *Naalakkersuisut eqqumiitsuliornermut inatsimmi aamma kultureqarnermut inatsimmi qanoq killiliisoqassanersoq aamma assigiinngissutaannik qanoq takunnittoqarsinnaasanersoq naatsorsuutigaat?*

Taassuma ataani:

- a. *Eqqumiitsuliornermik inatsit aamma kultureqarnermut inatsit pisortatigoortumik sulinermilu atuunnerminni qanoq killeqartinneqarnissaat eqqarsaatigineqarpat?*
 - b. *Naalakkersuisut toqqaannanngitsumik siunertarinerlugu kultureqarnermut inatsimmi killissarititaasut suliamiit suliamut ingerlasassanersut imaluunniit eqqumiitsuliornermi inatsimmi malittarisassat aalajangersimasut ersarissumik killilersukkat malinneqassappat?*
3. *Eqqumiitsuliornermut inatsisip atuunnerata siammasissusaa eqqarsaatigigaanni – siunissami eqqumiitsuliornermut inatsisissap immikkoortut suut minnerpaamik imarissanerai qanoq Naalakkersuisunit takorloorneqarpat?*
 4. *Naalakkersuisut eqqumiitsuliornermik paasinnittarnertik aammalu siunissami kultureqarnermut inatsimmiittussaannngitsutut Naalakkersuisut isaanni paasineqarsinnaasut ataatsimiititaliamit Naalakkersuisunut ersarissumik nassuiaqquneqarput.*
 5. *Kultureqarneq pillugu inatsisissatut siunnersuummi immikkut kultureqarnermut inatsiseqassanersoq aalajangersakkat suut atorlugit tunngavilerneqassava?*

6. *Atuakkiornermi, isiginnaartitsinermi assassorluni eqqumiitsuliornermi aamma ilusilersuinermi nipilersornermi, isiginnaagassiornermilu il.il. sunngiffimmut immikkoortoq kultureqarnermut inatsimmut ilaatinneqartussatut Naalakkersuisunut eqqarsaatigineqarnerluni?*
7. *Inatsisit pineqartut pingasut Inatsisartut Peqqussutaat nr. 10 2002-meersunik tunngaveqartillugit Inatsisussatut siunnersuutit suli marluk ukiup ataatsip qaangiunnerani Inatsisartunut saqqummiussiniarlutik Naalakkersuisut eqqumiitsuliornermut inatsisissatut siunnersuummik nassiussiniarlutik Naalakkersuisut pilersaaruteqarnerat politikikkut sulinermilu sumut iluaqutaava?*
8. *Inatsisip ataatsimut paasinarnernissaanut orniginartitsinerunermik aamma inatsimmik pineqartumik nutarterinissamut isumaqarneranut Naalakkersuisut isumaqataaanginnamik?*
9. *UPA2015-mi ataatsimiititaliap immikkoortoq 32-mut allanguutissatut siunnersuutaanut sanilliullugu inatsisissatut siunnersuutaasussatut eqqarsaatigineqartoq politikikkut anguniakkanut ilusimigut imarisamigullu naapertuuttuunersoq Naalakkersuisut qulakkeersimavaat?*

Apeqqutininut taakkununga allakkatigut kalaallisut danskisullu akissutit kingusinnerpaamik 6. august 2015 tiguneqarnissaat Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit naatsorsuutigineqarpoq. Akissut ataatsimiititaliap allattaanut Rikke Frederiksenimut mailimut uunga nassiunneqassaaq: rifre@ina.gl.

Inussiarnersumik inuulluaqqusillunga

Steen Lyngø

Ataatsimiititaliamut siulittaasoq